

INUIT ATAQATIGIIT

Inatsisartuni



UPA 2019/22
Ulloq21-03-2019
Mimi Karlsen

Siunnersuut uunga: Isiginnaartitsisarfeqarneq pillugu Inatsisartut inatsisaata allangortinnera pillugu Inatsisartut inatsisaat nr. xx, xx. xxx 2019-imeersoq

Inuup timiusaannaq inuussutigisinnaanngikkaa oqariartaatigaarput, aammalu uagutsitoorlugu neqaannaq inuussutigisinnaanngilarput. Inuttut pisariaqartitatta saniatigut allanik aamma pisariaqartitsivugut, tassalu anersaakkut, tarnikkut aamma immersorneqarnissamik pisariaqartitsisarpugut.

Anersaakkut tarnikkullu immersuisutta ilagilluinnarpaat nipilersorneq, eqqumiitsuliorneq isiginnaartitsinerlu, taakkulu immersuingaartuupput.

Inuit assigiinngitsuinik isumatsinnik annisseriaaseqaratta periarfissat assigiinngitsut tamaasa pisariaqartippagut. Taamaammat Inuit Ataqatigiit isiginnaartitsinermut ilinniarfik Nunattalu Isiginnaartitsisarfiarik pilersinneqarnissaa pingaartilluinnarlugu pilersissimavarput.

Inuttut immerneqarnissatsinnut aamma ilaalluinnarpoq oqaatsitsinnik ineriartortitsiuarnissaq, taannalu aamma isiginnaartitsinermit ineriartortinneqartartut ilagaat.

Isiginnaartitsisarfeqarneq pillugu Inatsisartut inatsisaata allangortinneqarnissaanik Inatsisartut inatsisissaattut siunnersuut matumuuna Naalakkersuisut saqqummiussaata paasinarluinnarpoq. Siulersuisuni ilaasortaasinnaasut, peqatigiiffiit kattuffiillu allangornerini soorunami inatsimmi allassimasut allangortariaqartut akuerivagut. Maluginarparputtaaq inatsisimmik allannguitinnani tusarniagassat pingaarnerit tusarniarfigineqarsimasut.

Maluginiarparputtaaq atorfinitsitaasarnermut atugassarititat, aammalu atorfinitsitsinermit soraarsitsinermit pissutsit eqqarsaatigalugit Nunatta Isiginnaartitsisarfiat tunngaviummik isumaqatigiissummi Nunatta Isiginnaartitsisarfiata Naalakkersuisullu akornanni isumaqatigiissutaasut iluanni

sulinissaanik pisussaaffeqarnera pillugu aalajangersakkamik siunnersuut imaqarmat.

Maannalu piviusunngortinniarnearpoq Nunatta Isiginnaartitsisarfiani sulisut ilarpassuisa isumaqatigiissutitut ilaannginnerat tunngavilersuutaasoq ilanngutitinniarnearmat, tamannalu iluaraarput, tassami atorfinnut taamak ittunut isumaqatigiissutaasunik peqalissammat.

Taama naatsumik oqaaseqarluta Isiginnaartitsisarfeqarneq pillugu Inatsisartut inatsisaata allanngortinneqarniarnera akueraarput ataatsimiitsitaliamullu susassaqartumut innersuullugu.